

ጾኑሲ ማደ"ሞ ዳኪንቴ ጳጳሮሴኮ ላሞዓሳ ኪኢቶ" ዓይያ ካሮ"

ጾኑሲ ማደ"ሞ ዳኪንቴ፡ ጳጳሮሴኮ ሐና" ላሞዓሳ ኪኢታ" ፃኣፒንቴህ፤ ዲማ ዲማ ቤዘይዳ ማናኣ ዎዶ"ና ዓኣ ዩሱሴ ጉሙርቂ ጎናሲ ዔኬዘንህሃምኬ። ኪኢቱሎኮ ዴኤፖ ማሊያ ሉኡዙሞና ዔርዘያ ማዔዘንህሃኮ ዔርዘያ ዘሎ"ና ሙኬ ፑርቶ ማደ" ማኪ ዒፃኮ። ዩያ ማታህኮ ዴኤሻ ማዓንዳኔ ጌይንቴ ማሊንታህ" ዩሱሴ ፔ ዓኣፖና ዘጌዘንህሃና ዒ ዔርዘ ዎዶ"ና ፔ ዎዮና ዎይዜ ዓሳ ዔርዜ ባኮይዳፓ ጾኑሲና ጎዳ ዩሱሴ ኪሪሰቶሴና ዘሎ" ኮይሳ ዔራቶ ዴንቁህኬ። ሐና" ኪኢቶ" ፃኣፔ ዓህሂ ባሼ ዔርዘኒ ማሊህ፡- «ኪሪሰቶሴ ላሚ ሙኩዎሴ» ጋዓ ሉኡዙሞ ሃይሶ ዘሎ"ኬ፤ ዩያ ዘሎ" ዒ ኬኤዛዎ ኪሪሰቶሴ ማዒ ሙኪያ ኔጋህ፡ ዓሲ ቢያ ጎሚይዳፓ ማዓንዳጉዲ ጾኑሲ ኮዓህረ፤ ሐህ ዓይጎ ዓሲያ ባይቃንዳጉዲ ዒ ኮውዎኣህረኬ ጋዓኔ።

ማፃኣፔላ ዲማ ዲማ ዓርቄ ባኮ

- ዓይያ ካሮ" 1፡1-2
- ዩሱሴ ጉሙርቂ ዓሳ ናንጋንዳ ጎይህ 1፡3-21
- ሉኡዙሞና ዔርዘ ዓሶ ዘሎ" 2፡1-22
- ኪሪሰቶሴኮ ማዒ ሙኪያ ዘሎ" 3፡1-18

1 ዩሱሴ ኪሪሰቶሴሞ ማደያ ማዔህረና ዒዛ ማደ"ሞ ዳኪንቴ ሲሞኣኔ ጌይንታ ጳጳሮሴይዳፓ፡-

ኑ ጾኦዛህና ኑኡኮ ዴኤሻህ ዩሱሴ ኪሪሰቶሴፓ ጳዳ ዒሎ"ሞ ዘሎ"ና ኑ ዴንቄ ጉሙርቂዎጉዴያ ማዔ ቦንቸንቴ ጉሙርቂዎ ዴንቄዘንህሃም፤

2 ጾኑሲ፤ ሃህ ኑ ጎዳህ ዔሪህረና ሃህ ዒዛይዳፓ ማዔ ጾኑሲኮ ኮሹሞ ዒንጊያና ኮሹሞና ዒንህሃም ዲቦንጎ።

ጾኑሲኮ ዔኤሊ"ዎና ዶኦሪዎና

3 ፔ ቦንቸና ሃህ ፔ ኮሹሞና ኑና ዔኤሊ"ህ፡ ዒዛ ኑ ዔሪህረ ናንጊንታ ጎኔ ዓና ዓሲ ማዒህንታም ኮይሳ ባኮ ቢያ ፔኤኮ ጾኑሴሞ ዎልቆና ኑሞ ዒንጌ። 4 ዩንህ ኑሞ ዒንጊንቴ ባኮንህ ዘሎ"ና ሳይዳ ዓኣ ፑርቶ ሱኡኮይዳፓ ዔቄያና ማሊያ ላቢ"ሳ ባኮይዳፓ ዒንህሃ ቶሊ"፤ ጾኑሲ ናንጋ ጎይዎጉዲ ዒንህሃ ናንጋያ ማዓንዳጉዲ

ቦንቸንጥይናና ሃሣ ሚርጌና ጳጳሪ ማዕ ሃጊ ማዕንዳ ዎዞ" ኑም
 ዒዚ ዒንገኔ። 5 ዬያ ዛሎ"ሮ ጌዒጋጋ ሃይጋ ሊካ ጋይዲንጋ ባካ
 ዒንሣም ቃሲ"ንጋንዳጉዲ ኮዑዎቲ፤ ያኑሲ ጉሙርቁሣዳ ኮሹዎ።
 ኮሹዎይዳ ዔራቶ። 6 ዔራቶይዳ ፔና ቆሊሣ። ፔና ቆሊሣዳ ጊቢ"
 ዳንዳዒሣ። ጊቢ" ዳንዳዒሣዳ ዒያናና ዓእ ዓሲ ማዒሣ። 7 ዒያናና
 ዓእ ዓሲ ማዒሣዳ ዎለም ዓዳ" ጌርሲና ጌርናጉዲ ማሊሣ። ጌርሲና
 ጌርናጉዲ ዎለም ማሊሣዳ ናሹዎ ቃሱዎቲ። 8 ዬንሣ ባኮንሣ
 ዒንሣዳ ሚርጌና ዓእቶ ኑ ጎዳሣ ዬሱሰ ኪሪሰቶሴ ዒንሣ ዔሬ
 ዔራታ" ጋሣ ባእዚ" ባእያና ዓኣፒ ዓኣፑዎያ ዒንሣ ማሃዓኔ።
 9 ዬንሣ ባኮንሣባእ ዓሲ ጋዓንጥ ሃኔ ዓእ ባኮ ዛጋኒ ዳንዳዑዎያ
 ዓኣፒ ባይቄ ዓሲኔ፤ ሃያኮ ቤርታ ዲቦ" ጎሞይዳጋ ማኣሪንጥ
 ጌኤሽኬሣያ ዒ ዋሌ።

10 ዬያሮ ታ ዒሹንሣ! ታ ሚሸንሣ! ዒንሣኮ ዔኤሊ"ንጥፆና
 ደኣሪንጥፆ ዔራጊ ሚርጌና ደዲዎቲ፤ ያዲ ዒንሣ ማዕቶ ፔቲ"ታፆ
 ዲቢንታዓኔ። 11 ዬያይዲያና ኑና ዳቂሻ። ጎዳ ዬሱሰ ኪሪሰቶሴኮ
 ናንጊና ናንጋያ ማዕ ካኣቲሞይዳ ጌላኒ ጉቤ ቢታንቶ ዒንሣም
 ዒንገንጋንዳ።

12 ዎዚ ሃንሣ ባኮንሣ ዒንሣ ዔራያና ዓርቄ ጎኑሞና ደዲ
 ናንጋያ ማዕቶዎ ዬያቶ ዒንሣም ኬኤዚ ጳቂሥሣ ታ ዋላ"ዓኔ።
 13 ታኣኒ ሽምግና ዓኣፆ ዒንሣ ቢያ ኬሊ" ጳቻንዳያ ታና ኮይሳኔ
 ጌዒ ታ ማላ። 14 ኑ ጎዳሣ ዬሱሰ ኪሪሰቶሴ ታኣም ዳቂ ጎይያና
 ሐና" ዓጮ"ይዳጋ ዑከና ሃይቄ ታ ደማዳንዳሣ ታ ዔራ። 15 ሃሣ
 ታ ዒንሣም ደዲሽ ኬኤዛሣ ሃይቄ ታ ዒንሣዳጋ ደማዳሣኮ
 ጊንፃጋ ማዕቲያ ዬንሣ ባኮንሣ ዋሎ"ዎያ ቢያ ኬሊ" ዒንሣ
 ጳቂሣንዳጉዲኔ።

ኪሪሰቶሴኮ ቦንቸን ማርጌና ዳንቄ ማርኮንሣ

16 ኑ ጎዳ ዬሱሰ ኪሪሰቶሴኮ ዎልቆና ዒዛኮ ሙኪያ ዛሎ" ኑ
 ዒንሣም ኬኤዛ ዎደ"ና ኑ ኑ ቶኣኪና ዒዛኮ ዒጊቻ ቦንቸን ማርጌና ዛጊ
 ማዕንዳኣጋዓቲም ዓሲ ዔራቶና ኬኤዚንጥ ሐይሴ ዓርቂቲዎሴ።
 17 «ታና ዎዛሳ፣ ታኣኒ ናሽካ ናዓሣ ታኣኮ ሃያኔ» ጋዓ ዑኡዛ ጳጳሪጋ
 ቦንቸይዳጋ ዒዛም ሙኬ ዎደ"ና ያኑሲ ዓዳሣዳጋ ዒዚ ጋላታና
 ቦንቸና ዔኔ። 18 ዒዛና ዎላ" ጌኤዢ ዲኮ"ይዳ ኑ ዓኣፆ ዬና
 ጫሪንጫጋ ሙኬ ዑኡዛ ኑ ኑ ቶኣኪና ዎይኔ።

19 ዬኖ ሃሣ ሚርጌና ጎናሳ ያኑሲ ማሊያ ኬኤዛ ዓሰኮ ቃኣላ"
 ኑ ኮራ ዓኣ፤ ዬኖ ቃኣሎ"- ሳዓ ካሪ ካሪያ ዢኣጋሣያ ዒንሣኮ

1:18 ማጥ. 17፣1-5፤ ማር. 9፣2-7፤ ሉቃ. 9፣28-35።

ዒና" ፖዓንዳኣና ዲሚዳ ፖዓ ፖዒጉዲ ሂርገ ዒንሢ ዓርቂ ካፔቶ ቃራኬ። 20 ቢያ ባኣዚ"ኮ ቤርታ ዒንሢ ጳቂሢ ዔራሪ ኮይሳ ባኣዚ" ጌኤዡ ማፃኣፖይዳ ዓኣ ጾኦሲ ማሊያ ዓይሳ ማዔቶዋ ፔቴ" ዓሲታፖ ፔ ማሊሢና ቡላ"ኒ ዳንዳዑዋያ ማዔሢኬ። 21 ዓይሳር ጌዔቶ ጌኤዡ ማፃኣፖይዳ ዓኣ ጾኦሲ ማሊያ ቢያ ፔቴ"ታፖ ዓሲ ማሊሢና ኬኤዚንቴያቱዋሴ፤ ጋዓንቴ ዓያና ጌኤሺ ዓሶም ኬኤዜም ዓሳ ጾኦሲዳፓ ዔኪ ኬኤዜያኮ።

2

ሉኡዙሞና ዔርዛ ዓሶ

1 ቤርታኣ ዋደ"ና ዴሮ" ባኣኮ"ይዳ ሉኡዙሞና ጾኦሲ ማሊሢ ኬኤዛኔ ጋዓ ዓሲ ዓኣሢጉዲ ዒንሢ ባኣኮ"ይዳኣ ሃሢ ሉኡዙሞ ባኮ ዔርዛ ዓሲ ጴዳንዳኔ፤ ዔያታ ባይሲንታ ባንሢ ዔኪ ዓኣዳ ሉኡዙሞ ባኣዚ" ዔራቶ ዴሜና ዔኪ ጌልዛንዳኔ። ዩያይዲያና ዔያቶ ሻንቂ ጌኤሺ ጎደሢታፖ ዔያታ ዔሩዋሴ ጌዓም ባይሲንታ ዑቤና ዔያቶ ሄላ"ንዳኔ፤ 2 ዩያ ዛሎ"ና ሚርጌ ዓሳ ዔያቶኮ ቦርሲሳ ማደ" ማዳንዳኔ፤ ዔያቶኮ ዩያ ማደ"ይዳፓ ዔቆያና ጎኑሞ ጎይፃ ጫሽኪንታንዳኔ። 3 ዩያታ ሉኡዙሞና ዔርዛ ዓሳ ሚኢሹ ዛገ ጎጋይቂሢዳፓ ዔቆያና ፔኤኮ ኬሴ" ሃይሴ ኬኤዚ ኬኤዚ ዋልቆ ዒንሢሲ ጌሺ ሙዓንዳኔ። ጾደሲ ዋዴኮ ቤርታፓ ዓርቂ ፑርታ ዋጌ ዔያቶም ገኢገንቴ ዓኣኔ፤ ባይሲንታ ሃሢ ዔያቶ ጴጪ ካፒ ዓኣኔ።

4 ጾኦሲ ጎሜ ማዳ ኪኢታንቸታፖ ዴኔፖ ዲሞይዳ ካኒ ቢራታና ቱኪ" ዋጎ ኬሎ" ካፓንዳጉዲ ኬኤሬያፓዓቴም ዔያቶም ሚጪንቴባኣኤ። 5 ዩያጉዲ ጾኦሲ ሃያኮ ቤርታ ጎሞ ዓሳ ናንጋ ዓጮ"ይዳ ባይሲንቶ ዋኣፖ ዔኪ ሙካፖ ጌኤሹሞ ዛሎ" ኬኤዛ ሮሃ ላንካይ ዓሲና ዋላ" ባይሴያፓዓቴም ቤርታዳ ዓጮ"ም ዒዚ ሚጪንቴባኣኤ። 6 ሃሢ ገንሢ ጎሜ ማዳ ዓሲም ቢያ ዋገንቴሢኮ ኮኣኪንሢ ማዓንዳጉዲ ሶዶኦሚና ጋሞኦራና ካታማ" ዲቢንሢ ማዓንዳያ ሄላ"ንዳኣና ታሚና ሚቸንቴ ባይቃንዳጉዲ ዋጌ።

7 ዓይሢንቴፖ ዒፃ ዓሶኮ ቦርሲሳ ማደ" ዛገ ዒናና ማሊ ማሊ ማታዲ ናንጋ ጌኤዡሢ፤ ሎኦፃ ጋዓንቴ ዒዚ ባይሴኔ። 8 ዓይሳር ጌዔቶ ዩይ ጌኤዡ ዓሢ ዔያቶ ባኣካ" ናንጋኣና ቢያ ኬሊ" ዒ ዛጋ ባኮና ዋይዛ ፑርቶ ማደ" ዛሎ"ና ጌኤሺ ማዔ ሹምፓሢ ዒዛኮ ማታዳኔ። 9 ዓካሪ ዩይ ቢያ ያዲ ማዔቶ ጾኦሲ ጎኑሞና ካኣሽኪ

2:5 ማዢ. ማፃ 6:1—7:24:: 2:6 ማዢ. ማፃ 19:24:: 2:7 ማዢ. ማፃ 19:1-16::

ናንጋ ዓሶ ደቢሳ ባአዚ"ዳፓ ዓይሰ፤ ሃሣ ጎሞ ዓሶ ሜታሲ ዎጎ ኬሎ" ሄላ"ንዳኣና ጌሢ ዎይቲ ካፓንዳቲያ ያኦሲ ዔራኔ። 10 ባሼ ዩኖ ዒኢሳያ ማዔ ዓሶ ማሊያ ሱኡኮ ኩንሣዘንሢና ያኦሲኮ ዔራቶ ቦሃዘንሢና ዎጌሞ ዒዚ ካፒ ጌሢኔ።

ዩያታ ሉኡዙሞ ባኮ ዔርዛ ዓሳ ጫርቃና ያቶርቃና ማዔሢሮ፣ ጫሪንጫ ዎልቄና ዓኣ ማዢንቶ ጫሽካኣና ዔያታ ዒጊጩዎሴ። 11 ያኦሲኮ ኪኢታንቻ ዔያቶይዳፓ ዎልቄና ቢታንቶና ባሻያ ማዔቶዎ ጎዳ ቤርቶይዳ ጫሪንጫ ቢታንታ ዓኣዘንሢ ጫሽኩዎሴ። 12 ዩያታ ሉኡዙሞ ባኮ ዔርዛ ዓሳ ጋዓንቴ ፔኤሮ ማሊ ዒና ዔኪ ዔራቶ ጫሺ ጫሽካኔ፤ ዔያታ ፒሮና ዓርቂንቴ ባይቃኒ ሾይንቴያ፣ ሃሣ ፔ ሹና" ዓይሣ ጎይያ ኩንሣያ ዒናባኣ ካዮ ቦፖጉይያኬ፤ ዩያሮ ዔያታ ካዮ ቦዓ ባይቃሢጉዲ ባይቃንዳኔ። 13 ዔያቶኮ ፑርቲሞ ዛሎ"ሞ ዒንጎ ዎጎ ዔያታ ዔካንዳኔ፤ ዔያቶኮ ዎዛ" ቢያ ኬሊ" ዓሲ ማሊሢሞ ኮይሳ ባኮ ኩንሥሢኬ፤ ጌሻያ ማዔ ዓሲሞ ኮይሳ ባኮና ቢያ ኬሊ" ዎዛዳያታዎ ዒንሢ ናሹሞና ሙዓ ሙዎ ቤዘ ዓኣዲያና ዒንሢ ቦርሲሳያኬ። 14 ጎሜ ማዲሢዳፓ ጊንሢሞ ጎውዎናና ማቾ ሃሣ ዓኒ ማዒባኣ ዓሲና ላሂሢ ሌሊ ዛጋ ዓኣፒ ዔያቶኮ ዓኣኔ፤ ዶዲ ዔቂባኣ ዓሶዎ ዔያታ ደቢሻኔ፤ ሃሣ ሚኢሹ ዛጊ ጎይቂሢ ዔራ ዒኔ ዔያቶኮ ዓኣኔ፤ ዩያሮ ዔያታ ጋዳንቂንቴ ዓሲኬ። 15 ዔያታ ፒዜ ማዔ ጎይያ ሃሽ" ፑርቶ ማዶ"ሮ ዒዛሞ ዒንጎ ቦንቾ ማዔ ሚኢሹ ናሽኬ፣ ቢያሬ ናኣዚ"፣ ባኣላኣሜ ጎይያ ማዳኢ ደቢንታኔ። 16 ያኦሲ ማሊያ ኬኤዛ ባኣላኣሜ ጋዓንቴ ዒዚ ማዶ ጎሞ ዛሎ" ቆዲ"ንቴኔ፤ ሃሣ ጌሰቲ ዔራቶ ሃሪሰኬና ዓሲ ዑኡሲና ዒዛሞ ኬኤዚ ዒዛኮ ዛኣሹሞ ማዶ" ላኣጌኔ።

17 ያኣታ ዓሳ ዓልቃያታዎ ሚጩ ዎርዚጉይያኬ፤ ሃሣ ዠባሬ ሂዒ ዔኪ ዓኣዳ ሻኣሬጉይያኬ፤ ዩያሮ ዔያቶ ሻኔ ዲሚ ካፒ ዓኣኔ። 18 ዓይጎሮ ጌዔቶ ዛኣሊ ናንጋ ዓሶ ባኣካ"ፓ ኬሰኪ ሙኬዎ ናንጊባኣ ዓሶሞ ጉሪ ማዔ ዴኤፒ ሃይሴ ኬኤዚ ኬኤዚ ማቾ ሃሣ ዓኒ ማዒባኣ ዓሲና ላሂ ዓሲ ማሊሢ ሱኡኬ ኩንሣ ጎይሢና ዔያቶ ጌሻኔ። 19 ጊንሣ፡- «ጎሜ ዓይላ"ቶይዳፓ ዒንሢ ኬሰካንዳኔ» ጌዒ ጌዒ ዓሶሞ ሃጊ ማዓንዳ ዎዛ ዒንጋኔ። ዔያታ ጋዓንቴ ፔ ቶኣኪና ጎሜኮ ዓይሎ"ኬ። ዓይጎሮ ጌዔቶ ዓሲ ባሺንታዎ ባሺሢሞ ዓይሎ" ማዒ ቆሊንታኔ። 20 ኑ ጎዳሢ፣ ኑና ዳቂሹ ዩሱሰ ኪሪሰቶሴ ዔሪ ጎይያ ዒኢሳ ባኮይዳፓ ቶላ"ዎ ጊንሣ ዩኖ ዒኢሳ ባኮና ዓርቂንቴ ዔያታ ባሺንቴቴ ቤርታኣሰካፓ ዑሣ ጊንፃኣሲ ዔያቶሞ

2:16 ፓይ. ማፃ 22፡4-35።

ባሽ ፑርታንዳኔ፤ 21 ዓይጎር ጌዔቶ ጌኤዡ ጎይዖ ዔሪ ዔያቶም ዒንገንቲ ዲማጳ ዓይሢዖ ሃሺ" ገንሢም ማዓሰካፓ ቤርታ ዔያታ ጌኤዡ ጎይዖ ዔሪዋዖ ዓቴቶ ቃራታዖኬ። 22 «ካኒ ጮኦሽኬ ጮኦኦ ገንሢ ሙዓኔ» ዩያጉዲ ሃሢ «ጉዲንሢ ዑዖ ማሰቴሰካፓ ገንሢ ጳቃሌይዳ ኮላዳኔ» ጌይንቲ ኬኤዚንቲ ኮኦኪንሢ ዔያቶይዳ ጎኔ ማዒ ኩሚኔ።

3

ጎዳ ዩሱሴኮ ላሚ ሙኪዖ ዛሎ"

1 ታ ዒሾንሦ! ታ ሚሾንሦ! ሃይ ታ ዒንሢም ፃኦፓ ላምዓሲ ኪኢታኬ፤ ላምዖ ኪኢቶ" ታ ዒንሢም ፃኦፐሢ ሃንሢ ባከንሢ ዒንሢ ጳቂሳንዳጉዲና ፒዜ ማለሢ ዓኣዖ ማዓንዳጉዲ ዒንሢ ጴቻኒ ጌዒኬ። 2 ሃዖኮ ቤርታ ዖኦሲ ማለዖ ኬኤዛ ጌኤዡ ዓሳ ኬኤዜ ቃኦሎ"፤ ዩያጉዲ ዳኪንቲ ዓሶ ዛሎ"ና ዒንሢ ዳንቁ ኑ ጎዳሢ፣ ሃሢ ኑና ጳቂሾሢካ ዓይሢዖም ዒንሢ ጳቂሢንዳጉዲ ታ ኮዓኔ። 3 ሃሢ ቢያ ባኦዚ"ኮ ቤርታ ዩያ ባኮ ጳቂሱዋቴ፤ ዩይ ዓይጎዳይ ጌዔቶ ፓፒንዖ ኬሎ"ና ቦሃ ዓሲና ፔኤኮ ፑርቶ ሱኡኮ ሌሊ ኩንሢ ጌሻ ዓሲ ሙካንዳኔ፤ 4 ዔያታ ሙካዖ፡- « ጎዳ ዩሱሴ ሙካንዳኔ ጌይንታ ዋዛ" ዒንገንቲባኦዳዳ? ሂዳዖ ሃሢ ዋካ ዓኦይ? ኑኡኮ ቤርታ ዓድንሢ ሃይቁሰካፓ ዓርቃዖ ቢያ ባካ ማዢንቶኮ ዓይዖይዳፓ ሃኖ" ሄላ"ንዳኦና ዓኦማ ጉይዖኬ» ጋዓንዳኔ። 5 ዩያታ ዓሳ ሚርጌ ዋዴኮ ቤርታ ሳዖንታ ጫሪንጮንታ ዖኦሲ ቃኦሎ"ና ማዢንቲሢ ሳዚ «ኑ ዔራዋሴ» ጋዓንዳኔ፤ ሳዓ ማዢንቲሢ ዋኦሢ ባኦካፓ፤ ሃሢ ዋኦሢና ማዢንቲሢ «ዔራዋሴ» ጋዓንዳኔ። 6 ቤርታዳ ሳዓ ዩያይዲዖና ዋኦሢና ዔኤዲንቲ ባይቁኔ። 7 ሃሢ ዓኦ ጫሪንጮንታ ሳዖንታ ዓይሢንቶ ዒዖ ዓሳኦ ባይቃንዳ ፓፒንዖ ዋጎ ኬሎ" ሄላ"ንዳኦና ዩያ ዖኦሲ ዋልቆና ታሚም ካፒንቲ ዓኦኔ።

8 ዓጊናንሢዮቴ! ዒንሢ ጋዓንቲ ጎዳሢ ኮራ ፔቴ" ኬሊ" ሺያ ለዔ፣ ሺያ ለዔ ፔቴ" ኬሊ"ጉይዖ ማዔሢ ዩማ ፔቴ" ባኦዚ" ዋለ"ፖቴ። 9 ፔቴ" ፔቴ" ዓሶም ናጋዖ ማላሢጉዲ ጎዳ ዩሱሴ ዒዚ ኬኤዜ ሃጊ ማዓንዳ ዋዛ" ቃኦሎ" ኩንሢኒ ናጊንዲዋሴ፤ ጋዓንቲ ዓሲ ቢያ ጎሜፓ ማዓንዳጉዲና ሃሢ ፔቴ"ታዖ ዓሲ ባይቁዋጉዲ ዒንሢ ዛሎ"ሮ ጌዒ ዒዚ ጊቢ" ካፓኔ።

2:22 ኮኦኪ. 26፣11። 3:3 ዪሁ. 18። 3:5 ማዢ. ማዖ 1፣6-9። 3:6 ማዢ. ማዖ 7፣11። 3:8 ዓይኑ. 90፣4።

10 ጎዳሢኮ ኩላ" ጋዓንቴ ወሲጉዲ ዔሩዋንቴ ሙካንዳኔ፤ ዬኖ ኩሎ"ና ጩሪንጩ ዴኤፒ ዑኡሲና ዓኣዲንዳኔ፤ ጩሪንጩ ማዢንጎታኣ ቢያ ታሚና ሚቸንቴ ባይቃንዳኔ፤ ሳዖና ሳዖይዳ ዓኣ ባካ ቢያ ሚቸንጎታንዳኔ፤ 11 ዓካሪ ቢያ ባኣዚ" ዬያይዲ ባይቃያ ማዔቴ ሂዳያ ጌኤሹዋና ሃሃ ዓያናና ዓኣ ዓሲ ማዒ ናንጊሢ ዋይተ ዒንሢሞ ኮይሱዋዖ ዓታንዳይ? 12 ዬያሮ ዖኡሲኮ ኩላ" ሙካንዳሢ ጳቂሢ ካፓያና ዒዚ ዑኩ ሙካንዳሢ ዔሪ ማዳያ ማዑዋቴ፤ ዬኖ ኩሎ"ና ጩሪንጩ ታሚና ሚቸንቴ ባይቃንዳኔ፤ ጩሪንጩ ዓኣ ማዢንጎታ ታሞኮ ዖይዳፓ ዔቁያና ዓልቃንዳኔ፤ 13 ጋዓንቴ ጂሎ"ሞኮ ማኣሪ ማዔ ዓኮ ጩሪንጩና ዓኮ ሳዖና ዒዚ ኩኤዜ ሃጊ ማዓንዳ ዋዘ" ቃኣሎ" ጎይዖ ኑ ካፓኔ።

14 ዬያሮ ዒጊኖንሢዮቴ! ዬይ ቢያ ማዓንዳ ኩሎ" ካፒሢዳ ዒንሢ ዓኣቶ ቦርሲሳ ባኣዚ" ባኣያ ሃሃ ዒንሢ ቦሂሳ ባኣዚ" ባኣያ ማዒ ዒንሢ ዓኣንቴ ጎዳ ዒንሢ ኮሺና ሙኪ ዴንቃንዳጉዲ ዶዲ ማዲዋቴ፤ 15 ኑ ጎዳሢ ጊቢ" ዴዔሢ ዒንሢ ዲቃንዳጉዲ ጌይ ማዔሢ ዋሊ"ፖቴ፤ ናሽከንጎ ኑ ዒሻሢ ጳውሎሴያ ፔኤም ዒንጊንቴ ዔራቶ ጎይዖና ዒንሢሞ ፃኣፔሢ ዬያኩ። 16 ዒዚ ዬኖ ዛሎ" ፔ ኪኣቶ"ይዳ ቢያ ሃማ ጎይዖ ፃኣፔኔ፤ ዒዛኮ ኪኣቶ"ይዳ ፔቴ" ፔቴ" ዔራኒ ሜታሳ ባኣዚ" ዓኣኔ። ዔራቶ ፓጩ ዓሶና ሴካ ሃንጋ ጌዒ ሺራ ዓሳ ጌኤዢ ማፃኣፖ ማሊያ ዋቢሳሢጉዲ ዬንሢ ባኮዋ ዋቢሳንዳኔ፤ ያዒ ዔያታ ማዲያና ባይቃንዳኔ፤

17 ዒንሢ ጋዓንቴ ዒጊኖንሢዮቴ! ዬያ ቤርታዲ ዔሪሢሮ ዓይሢንቶ ዒፃ ዓሶ ማሊያይዳ ጌሊ ዒንሢ ዶዲ ዔቁ ቤዛፓ ሎኦሙዋጉዲ ኮሺ" ዔራዋቴ፤ 18 ቢያፓ ባሺ ኑ ጎዳሢና ኑና ዳቂሻ ዬሱሰ ኪሪሰቶሴኮ ኮሹዋና ዒንጊንጎ ዒንጊያና ጊንሣ ዒዛ ዔሪሢሮ ዲጩዋቴ፤ ዒዛም ሃሢያ ሃጊያ ናንጊና ቦንቾ ማዖንሳ! ዓኣሜን።

3:10 ማተ. 24፥43፤ ሉቃ. 12፥39፤ 1ቴሰ. 5፥2፤ ዮሐ. ዖፔዳ 16፥15። 3:13 ዒሲ. 65፥17፤ 66፥22፤ ዮሐ. ዖፔዳ 21፥1።

ጌጌዥ ማግኔግ
The Holy Bible in the Maale language of Ethiopia,
using Ethiopic script

copyright © 2015 The Word for the World International and The Bible Society of Ethiopia

Language: Maale

Translation by: The Word for the World

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Nov 2022 from source files dated 29 Jan 2022

bbcfb90a-3ae3-5452-983d-6c4c02375929